

SEDMIČNI PREGLED AKTIVNOSTI SUDA BiH
Odjel I i II
(30. august 2010. godine – 3. septembar 2010. godine)

PONEDJELJAK, 30. august 2010. godine

Petak, 27. august 2010. godine¹

- Sud je u predmetu **Zvonko Perić i dr. (X-K-10/876-1)** donio rješenje o produženju pritvora za optuženog Dragana Orbovića. Pritvor prema ovom rješenju može trajati do okončanja glavnog pretresa, a najduže dvije godine od dana potvrđivanja optužnice, odnosno do 24. augusta 2012. godine. Naredna kontrola je 27. oktobra 2010. godine.
- U sljedećim predmetima Sud je izvršio kontrolu opravdanosti mjera zabrane:
 - **Adis Abaz i dr. (X-KRN-09/727)** za osumnjičene **Adisa Sejdića i Adnana Selimića**, i to: zabrana napuštanja mjesta boravišta i zabrana putovanja van BiH, te u tu svrhu privremeno oduzimanje važećih putnih isprava; zabrana izdavanja novih i zabrana korištenja lične karte za prelazak državne granice BiH; redovno javljanje u nadležnu policijsku stanicu, a za osumnjičenog **Husniju Mušića**: zabrana napuštanja mjesta boravišta; zabrana putovanja i zabrana sastajanja sa osumnjičenim osobama u ovom predmetu;
 - **Muhamed Marić i dr. (X-KRN-10/892)** za osumnjičenog Nedžada Delića, i to: zabrana preduzimanja bilo kakvih poslovnih aktivnosti vezanih za firme „TEF“ d.o.o. Sarajevo i „Granit“ d.d. Jablanica; zabrana kontaktiranja sa osumnjičenim osobama u ovom predmetu, potencijalnim saučesnicima, pomagačima i svjedocima, a posebno sa uposlenicima pravnih lica “TEF” d.o.o. Sarajevo i “Granit” d.d. Jablanica; te utvrdio dalju opravdanost mjera. Naredna kontrola je 27. oktobra 2010. godine.
- Sud je u predmetu **Dario Perić i dr. (X-KRN-10/876)** donio rješenje o ukidanju pritvora za osumnjičenog Hamdiju Rizvanbegovića i odredio slijedeće mjere zabrane: zabrana napuštanja mjesta boravišta i zabrana putovanja uz zabranu izdavanja novog pasoša, kao i korištenja lične karte za prelazak državne granice; zabrana sastajanja sa ostalim osumnjičenim u ovom predmetu; obavezno javljanje nadležnoj policijskoj stanici, jednom sedmično. Naredna kontrola je 27. oktobra 2010. godine.
- U predmetu **Dejan Tuleković i dr. (X-KRN-10/973)** Sud je donio rješenje o ukidanju pritvora za osumnjičenog Emira Hadžipašića i odredio slijedeće mjere zabrane: zabrana napuštanja mjesta boravišta; obavezno javljanje nadležnoj policijskoj stanici, svakog ponedjeljka; zabrana sastajanja s ostalim osumnjičenim iz ovog predmeta, kao i sastajanja sa svjedocima Tužilaštva, te trećim licima koja se mogu dovesti u vezu s ovim krivičnim predmetom. Naredna kontrola je 26. oktobra 2010. godine.
- Sud je u predmetu **Slavko Vučurević i dr. (X-K-10/1041)** potvrdio optužnicu koja Slavka Vučurevića, Slobodana Poparu i Velezara Paranosu tereti za krivično djelo organizirani kriminal u vezi s krivičnim djelom neovlašten promet opojnim drogama. Sud je u odnosu na optužene Vučurevića i Poparu donio rješenje o produženju pritvora. Pritvor prema ovom rješenju može trajati do okončanja glavnog pretresa, a najduže dvije godine od dana potvrđivanja optužnice, odnosno do 27. augusta 2012. godine. Naredna kontrola je 27. oktobra 2010. godine.

Ponedjeljak, 30. august 2010. godine

- U predmetu **Mensur Memić i dr. (X-KR-09/786-1)** Sud je izvršio kontrolu opravdanosti pritvora za optužene Mensura Memića, Dževada Salčina, Senada Hakalovića i Nihada Bojadžića, te utvrdio da

razlozi za pritvor i dalje postoje. Naredna kontrola je 30. oktobra 2010. godine.

- Sud je u predmetu **Arif Adilović i dr. (X-K-10/913)** izvršio kontrolu opravdanosti mjera zabrane za optuženog Adnana Hamzića, i to: ograničenje kretanja optuženog proširuje na područje Kantona Sarajevo, tj. istom se dozvoljava napuštanje adrese stanovanja i kretanje na području Kantona Sarajevo, a sve u cilju nesmetanog omogućavanja optuženom da obavlja posao u vlastitoj firmi; na snazi i dalje ostaje obaveza ovlaštenih službenih lica nadležne policijske stanice da vrše svakodnevnu kontrolu da li se optuženi nalazi na adresi prebivališta, te utvrdio dalju opravdanost mjera. Naredna kontrola je 30. oktobra 2010. godine.
- U predmetu **Josip Grmača (X-KRN-10/956)** Sud je donio rješenje kojim se djelimično usvaja zahtjev osumnjičenog Josipa Grmača, pa se rješenje Suda od 30. juna 2010. godine preinačava tako što se osumnjičenom ima vratiti privremeno oduzeta CIPS-lična karta. Lična karta bit će vraćena osumnjičenom nakon što Granična policija BiH izvrši unošenje-zabilješku mjere zabrane korištenja lične karte za prelazak državne granice. Ostale mjere zabrane ostaju neizmijenjene. Naredna kontrola je 30. oktobra 2010. godine.

Predmet	Sudija/sudeće vijeće	Ročište
Odjel I Šefik Alić X-KRŽ-06/294	<i>Hilmo Vučinić</i> <i>Phillip Weiner</i> <i>Miloš Babić</i>	Nastavak pretresa pred Apelacionim vijećem
Odjel I Momir Pelemiš i dr. X-KR-08/602	<i>Ljubomir Kitić</i> <i>Vesna Jesenković</i> <i>Šaban Maksumić</i>	Nastavak glavnog pretresa Saslušana dva svjedoka odbrane
Odjel I Duško Jević i dr. X-KR-09/823-1	<i>Mira Smajlović</i> <i>Zoran Božić</i> <i>Mitja Kozamernik</i>	Nastavak glavnog pretresa Saslušana dva svjedoka Tužilaštva
Odjel I Marko Radić i dr. X-KRŽ-05/139	<i>Mirza Jusufović</i> <i>Tihomir Lukes</i> <i>Carol Peralta</i>	Nastavak pretresa pred Apelacionim vijećem
Odjel I Milun Kornjača i dr. X-KR-09/848-1	<i>Darko Samardžić</i> <i>Jasmina Kosović</i> <i>Davorin Jukić</i>	Statusna konferencija
Odjel II Dejan Tuleković i dr. X-KRN-10/973	<i>Hasija Mašović</i> <i>Senadin Begtašević</i> <i>Goran Radević</i>	Ročište po prijedlogu Tužilaštva za produženje pritvora

UTORAK, 31. august 2010. godine

- Na ročištu za izjašnjenje o krivnji pred Odjelom II za organizirani kriminal, privredni kriminal i korupciju Suda, u predmetu **Arif Adilović i dr. (X-K-10/913)** svi optuženi su se izjasnili da nisu krivi. Optužnica tereti Arifa Adilovića, Adnana Hamzića i Fuada Memovića za krivično djelo organizirani kriminal u vezi s krivičnim djelom neovlašten promet opojnim drogama, dok se Adilović i Hamzić terete i za krivično djelo krivotvorenje isprave, odnosno za pomaganje u izvršenju istog (Adilović).
- Sud je u predmetu **Dejan Tuleković i dr. (X-KRN-10/973)** donio rješenje kojim se osumnjičenim Dejanu Tulekoviću i Miletu Majstoroviću pritvor produžava za narednih mjesec dana. Pritvor prema ovom rješenju može trajati do 2. oktobra 2010. godine ili do nove odluke Suda.
- U predmetu **Milenko Topalović i dr. (X-KRN-10/1036)** Sud je donio rješenje kojim se osumnjičenom Milenku Topaloviću određuje jednomjesečni pritvor. Pritvor prema ovom rješenju

može trajati do 28. septembra 2010. godine. Milenko Topalović osumnjičen je za krivično djelo organizirani kriminal u vezi s krivičnim djelom neovlašten promet i proizvodnja oružja i vojne opreme, te proizvodima dvojne upotrebe.

Predmet	Sudija/sudeće vijeće	Ročište
Odjel I Gojko Kličković i dr. X-KR-06/213	<i>Zoran Božić</i> <i>Mitja Kozamernik</i> <i>Jasmina Kosović</i>	Nastavak glavnog pretresa odgođen za 7. septembar 2010. godine
Odjel I Mensur Memić i dr. X-KR-09/786-1	<i>Željka Marenić</i> <i>Marie Tuma</i> <i>Staniša Gluhajić</i>	Statusna konferencija
Odjel I Sreten Lazarević i dr. X-KRŽ-06/243	<i>Mirza Jusufović</i> <i>Tihomir Lukes</i> <i>Phillip Weiner</i>	Završne riječi Tužilaštva i odbrane pred Apelacionim vijećem
Odjel I Miodrag Marković X-KR-10/948	<i>Senadin Begtašević</i> <i>Mira Smajlović</i> <i>Mitja Kozamernik</i>	Statusna konferencija
Odjel II Hamdo Dacić i dr. X-K-09/687	<i>Mirsad Strika</i> <i>Goran Radević</i> <i>Anđelko Marijanović</i>	Nastavak glavnog pretresa Saslušan svjedok Tužilaštva
Odjel II Arif Adilović i dr. X-K-10/913	<i>Biljana Ćuković</i>	Izjašnjenje o krivnji
Odjel II Milenko Topalović i dr. X-KRN-10/1036	<i>Goran Radević</i>	Ročište po prijedlogu Tužilaštva za određivanje pritvora

SRIJEDA, 1. septembar 2010. godine

- U predmetu **Muradif Hamzabegović i dr. (X-KRN-09/854)** Sud je donio rješenje kojim se osumnjičenom Nihadu Brčaninoviću pritvor ukida i izriču slijedeće mjere zabrane: zabrana sastajanja sa drugim osumnjičenim i svjedocima iz ovog predmeta; naređuje se javljanje jednom sedmično, i to svakog ponedjeljka nadležnoj policijskoj stanici; privremeno oduzimanje vozačke dozvole osumnjičenom Nihadu Brčaninoviću. Naredna kontrola je 1. novembra 2010. godine.
- Sud je u predmetu **Miodrag Jeftić i dr (X-K-10/889)** izrekao prvostepenu presudu kojom je odbio optužnicu zbog nenadležnosti Suda u odnosu na optužene Miodraga Jeftića i Dušana Lukića, odnosno zbog odustajanja Tužilaštva od optužnice u odnosu na optuženog Dragana Dragičevića. Miodrag Jeftić i Dušan Lukić su optuženi da su počinili krivično djelo neovlaštena proizvodnja i stavljanje u promet opojnih droga Krivičnog zakona RS, dok je Dragan Dragičević optužen za krivično djelo organizirani kriminal u vezi sa krivičnim djelom neovlašten promet opojnim drogama KZ BiH.
- U predmetu **Ante Kovać (X-KRŽ-08/489)** Sud je izvršio kontrolu opravdanosti pritvora za optuženog Antu Kovaća, te utvrdio da razlozi za pritvor i dalje postoje. Naredna kontrola je 2. novembra 2010. godine.

Predmet	Sudija/sudeće vijeće	Ročište
Odjel I Mehura Selimović i dr. X-KR-08/522	<i>Željka Marenić</i> <i>Ljubomir Kitić</i> <i>Minka Kreho</i>	Nastavak glavnog pretresa
Odjel II	<i>Mirsad Strika</i>	Nastavak glavnog pretresa

Rijad Rustempašić i dr. X-K-09/670-1	<i>Anđelko Marijanović</i> <i>Goran Radević</i>	Saslušan svjedok Tužilaštva
Odjel II Miodrag Jeftić i dr. X-K-10/889	<i>Branko Perić</i> <i>Hasija Mašović</i> <i>Tatjana Kosović</i>	Nastavak glavnog pretresa Izricanje presude
Odjel II Mladen Smiljanić X-K-07/454-2	<i>Biljana Čuković</i>	Početak glavnog pretresa
Odjel II Haris Bašić i dr. X-K-09/762	<i>Goran Radević</i> <i>Mirsad Strika</i> <i>Anđelko Marijanović</i>	Nastavak glavnog pretresa Saslušan svjedok Tužilaštva
Odjel II Muradif Hamzabegović i dr. X-KRN-09/854	<i>Hasija Mašović</i>	Ročište povodom prijedloga za ukidanje pritvora

ČETVRTAK, 2. septembar 2010. godine

- Sud je u predmetu **Alija Osmić (X-KR-09/781-1)** donio rješenje kojim se djelimično mijenja rješenje o mjerama zabrane od 22. aprila 2010. godine tako što se određuju slijedeće mjere zabrane: zabrana napuštanja mjesta boravišta; oduzimanje putnih isprava uz zabranu izdavanja novih putnih isprava, kao i zabranu korištenja lične karte za prelazak državne granice Bosne i Hercegovine; obavezno javljanje u nadležnu policijsku stanicu svaki dan, jednom dnevno; zabranjuje se optuženom sastanak ili kontakt, posredno ili neposredno, sa bilo kojim eventualnim osumnjičenim ili svjedocima u ovom predmetu; zabrana da razgovara o ovom predmetu sa bilo kim, izuzev sa svojim braniocem.
- Sud je u predmetu **Jasko Šabić (X-K-10/949)**, nakon razmatranja i prihvatanja sporazuma o priznanju krivnje sklopljenog između Tužilaštva BiH i optuženog Jaska Šabića, izrekao presudu kojom se optuženi Šabić oglašava krivim za krivično djelo davanje dara i drugih oblika koristi, te mu se izriče uslovna osuda kojom mu se utvrđuje kazna zatvora u trajanju od četiri mjeseca i istovremeno određuje da se ova kazna neće izvršiti ako optuženi Šabić u roku od jedne godine od dana pravosnažnosti presude ne počini novo krivično djelo.
- U predmetu **Dragan Mikulić i dr. (X-K-05/164)** Sud je donio rješenje kojim se odbacuje prijedlog za ponavljanje krivičnog postupka protiv osuđenog Mikulić Dragana i Mikulić Company d.o.o. Grude.
- Sud je u predmetu **Zejid Šabić (X-K-08/474-11)**, odlučujući po prijedlogu za nepravo ponavljanje krivičnog postupka, donio presudu kojom se kazne izrečene u drugim postupcima uzimaju utvrđenim, pa se Zejid Šabić osuđuje na jedinstvenu kaznu zatvora u trajanju od sedam godine i 11 mjeseci.
- U predmetu **Dragan Damjanović (X-KR-05/107)** Sud je donio rješenje kojim se odbacuje prijedlog za ponavljanje krivičnog postupka protiv osuđenog Dragana Damjanovića.
- Sud je u predmetu **Dario Perić i dr. (X-KRN-10/876)** donio rješenje o ukidanju pritvora za osumnjičene Luku Raguža i Šimu Šljivića, te odredio slijedeće mjere zabrane: zabrana napuštanja boravišta i zabrana putovanja uz zabranu izdavanja novog pasoša, kao i korištenja lične karte za prelazak državne granice; zabrana sastajanja sa određenim osobama; obavezno javljanje nadležnoj policijskoj stanici, jednom sedmično.
- Sud je u predmetu **Davor Jurković i dr. (X-KRN-10/940)** izvršio kontrolu opravdanosti mjera zabrane za osumnjičenog Davora Jurkovića, i to: zabrana napuštanja mjesta boravišta; zabrana putovanja uz privremeno oduzimanje putne isprave, kao i zabrana izdavanja novog pasoša i

zabrana korištenja lične karte za prelazak državne granice; obavezno javljanje u nadležnu policijsku stanicu jednom sedmično, te utvrdio dalju opravdanost mjera. Naredna kontrola je 2. novembra 2010. godine.

Predmet	Sudija/sudeće vijeće	Ročište
Odjel I Saša Zečević i dr. X-KR-09/741	<i>Vesna Jesenković</i> <i>Staniša Gluhajić</i> <i>Hasija Mašović</i>	Nastavak glavnog pretresa Saslušan svjedok Tužilaštva
Odjel I Ratko Dronjak i dr. X-KR-09/684	<i>Minka Kreho</i> <i>Željka Marenić</i> <i>Marjan Pogačnik</i> <i>Ljubomir Kitić</i>	Početak glavnog pretresa
Odjel II Goran Bilić i dr. X-K-07/383	<i>Hasija Mašović</i> <i>Davor Žilić</i> <i>Nenad Šeleda</i>	Nastavak glavnog pretresa Ulaganje materijalnih dokaza
Odjel II Slobodan Župljanin i dr. X-K-08/594	<i>Izo Tankić</i>	Nastavak glavnog pretresa
Odjel II Paško Sušac KPŽ-01/10	<i>Miloš Babić</i> <i>Tihomir Lukes</i> <i>Hilmo Vučinić</i>	Sjednica Apelacionog vijeća
Odjel II Jasko Šabić X-K-10/949	<i>Mirsad Strika</i>	Razmatranje Sporazuma o priznanju krivnje

PETAK, 3. septembar 2010. godine

Predmet	Sudija/sudeće vijeće	Ročište
Odjel II Almir Šaljić i dr. X-K-08/638	<i>Tatjana Kosović</i> <i>Hasija Mašović</i> <i>Branko Perić</i>	Nastavak glavnog pretresa
Odjel II Sulejma Klopić X-K-05/64-1	<i>Vesna Jesenković</i> <i>Senadin Begtašević</i> <i>Željka Marenić</i>	Početak glavnog pretresa
Odjel II Esad Imširović i dr. X-K-09/685	<i>Darko Samardžić</i>	Izjašnjenje o krivnji odgođeno

NOVOSTI NA WEB STRANICI

NAJAVE ZA SLJEDEĆU SEMICU

- Početak glavnog pretresa pred Odjelom I za ratne zločine Suda, u predmetu **Miodrag Marković (X-KR-10/948)** zakazan je za utorak, 7. septembra 2010. godine, sa početkom u 13:00 sati, u sudnici 3. Optužnica tereti Miodraga Markovića za krivično djelo ratni zločin protiv civilnog stanovništva.
- Za srijedu, 8. septembra 2010. godine zakazano je u sljedećim predmetima:
 - **Mensur Memić i dr. (X-KR-09/786-1)** početak glavnog pretresa pred Odjelom I za ratne

zločine Suda, sa početkom u 13:00 sati, u sudnici 6. Optužnica tereti Mensura Memića, Dževada Salčina, Nedžada Hodžića i Nihada Bojadžića za krivično djelo ratni zločin protiv civilnog stanovništva i krivično djelo ratni zločin protiv ratnih zarobljenika, a optuženog Senada Hakalovića za krivično djelo ratni zločin protiv civilnog stanovništva.

- **Saša Danijel Grabež i dr. (X-K-09/851-1)** početak glavnog pretresa pred Odjelom II za organizirani kriminal, privredni kriminal i korupciju Suda, sa početkom u 13:00 sati, u sudnici 8. Optužnica tereti Sašu Danijela Grabeža, Dušana Tejića i Milovana Đukića za krivično djelo organizirani kriminal u vezi s krivičnim djelom neovlašten promet opojnim drogama.
- **Trpimir Mišetić i dr.(X-K-10/981)** početak glavnog pretresa pred Odjelom II za organizirani kriminal, privredni kriminal i korupciju Suda, sa početkom u 13:00 sati, u sudnici 5. Optužnica tereti Trpimira Mišetića za krivično djelo zloupotreba položaja ili ovlasti, a Zdenka Bebeka za krivično djelo pomaganje učinitelju poslije učinjenog krivičnog djela.
- **Franc Kos i dr. (X-KR-10/893-1)** izjašnjenje o krivnji pred Odjelom I za ratne zločine Suda, sa početkom u 10:00 sati, u sudnici 8. Optužnica tereti Franca Kosa, Stanka Kojića, Vlastimira Golijana i Zorana Goronju za krivično djelo genocid.

STATISTIKE

ODJELJENJE ZA PODRŠKU SVJEDOCIMA

Odjel	Broj predmeta	Broj svjedoka
Ratni zločini	4	6
Organizirani kriminal, privredni kriminal i korupcija	2	2

Broj održanih ročišta u sudnicama 1-8

43

Broj zahtjeva za izdavanje AV materijala (Odjeljenje za informiranje javnosti)

10

Želite li biti uključeni na popis primalaca najnovijih obavijesti Suda BiH ili izbrisani s njega, molimo vas da pošaljete e-mail na: PIOS@sudbih.gov.ba, www.sudbih.gov.ba

Dežurni telefon +387 61 475 205

¹ U aktuelni sedmični pregled aktivnosti unesene su promjene iz prošle sedmice, koje nisu obuhvaćene prethodnim sedmičnim pregledom.